

江郭柏良編輯

哮喘
根除
新說



南京中医药大学图书馆版权所有

丁序

仲英承先君甘仁公之餘緒、臨證四十年、平素於時症則傷寒濕溫、於調理則虧損勞極、雖經反覆多變、但應之以守經、處之以達權、自問尙不致有棘手之感、而艱於措施者、而獨於肺病、其豫後似未能愜意、更於哮喘一症、往往見效於一時、竊發於他日、居恆引爲憾事、思有以弭之而未能矣、會有親家柏良先生、積學士也、亦以醫鳴於世、嘗見其終日孜孜、整理哮喘之學說、研究哮喘之治效、閱十數寒暑而弗釋、余心儀其勤且誠、亦竊慮其爲山九仞不免將來有一簣之虧也、至去冬過其廬、則見其積稿滿案、積藥滿笥、熟視之而詳考之、所列皆哮喘之珍方、所集皆哮喘之良藥、於以知先生之研究、已告成功、其十數寒暑之孜孜弗釋者、究爲不虛、有志竟成、與功虧一簣者不可同日語也、更就實際言、先生治理哮喘

之疾、於今百無一失、見效於一時、而竊發於他日者、絕未之有、則此一成功、不獨先生之幸、亦足弭余平素之憾乎、本說旁搜博證、參考之書達數千卷、古今中外哮喘之證治、殆已萃於斯編、後復掇以調理珍攝之道、允稱獨到、至所製之哮喘膏、則提煉功深、成份精當、既見殊効、復便服用、因是極力慫慂、將積稿付之手民、良藥公諸當世、俾患是病者、有沉疴立起之望、而治是病者、亦有所參證而知所改進、庶符濟世壽人之旨、并爲吾同道增光焉、爰樂而爲之序、

中華民國卅五年仲秋月國民大會代表暨上海市中醫師公會主席丁仲英序

自序

蓋聞非常之人、必建非常之業、非常之病、必求非常之方、仲聖非常之人也、而以醫名於世、傳之千古而不朽、傷寒非常之病也、必求仲聖之方以治之、始可霍然而愈、此非有傑出之材者不足以語此、且夫哮喘、亦非常之病也、患者自幼至老、終身不已、然從古及今、未聞有獨到之方以治之、無是藥耶、抑或無傑出之材以發明之耶、常念天之造物也、必有盈虛有生尅、若有是病而無是方、失其循環之理、盈虛之數、究非造物之初衷、則哮喘雖非常之病、自必有非常之方以應世、第未經學者之發明、因之治失其效、固非無是藥而無是方也、際此二十世紀科學昌明之時、嘗聞能在空氣中吸收食物、在空氣中創造人類、驟聞之似覺奇談、其實有形物質皆於空氣中養成之、再於空氣中消滅之、木中蒸溜酒精、水中收煉

定質、空中能燃燒、數萬里外通聲音、此集科學之大成、亦非常之發明、然皆人爲之也、而獨於醫學能例外乎、余潛心醫學有年矣、關於哮喘一症、無不旁搜博採、極意探討、雖不敢妄擬昔賢非常之方、然內中所列者、試之確有成效、自謂稍稍有補於世焉、爰將關於哮喘一門、彙集病原病狀成方及心得、題名曰哮喘除根新說、付諸剞劂、俾研究是症者、知所取捨焉、

民國卅五年孟秋之吉六十一老人郭綸柏良誌於養生醫廬

5434
S72
012

目錄

1394

丁序	一
自序	三
總論	一
病名	二
病因	三
治法	五
調攝法	一六
歷代著作序述哮喘病之原因	二三
結論	三六

哮喘除根新說 目錄

二

彙錄古今名醫哮喘方.....三九

單方.....五八

西醫學說.....六〇

哮喘

除根

新說

上卷

澄江郭綸

柏良編輯

長子少柏
次子德潤

全錄
全校

總論

哮喘之病、有內因、有外因、有不內外因、內因者、心腎之氣上逆、則肺氣逆而不降也、外因者、風寒等六氣聚於肺表、肺氣促而上逆也、不內外因者、心肺腎三臟素虧、而復感觸六氣、致肺氣不得下降、逆而上升也、凡此種種、所現之病狀不一、所擬之方亦不一、有寒、有熱、有發散、有溫補、西學則有鎮欬化痰降氣強心諸法、每因原因不一、治法各異、遂致議論龐雜、莫衷一是、此非所謂議論多而成功少歟、愚嘗引以爲憾、然衷考哮喘之病、雖終其身而不能愈、較之他症爲難治、但簡有



兩大綱領可求、大綱者何、虛實也、若於虛實中求之、則不難水落石出矣、一面更須求其虛虛實實、虛中有實、及實中有虛、於是則按症而施治、投之而霍然矣、蓋經謂虛則治其本、實則治其標、有本虛而標實、有標虛而本實、本虛而標實者、先治其本、緩治其標、標虛而本實者、先治其標、緩治其本、如是則標本兼顧、虛實得體、雖不命中、當亦不遠矣、餘如寒者溫之、熱者清之、實則瀉之、虛則補之、此在善治病者、臨機以應變耳、茲將哮喘病因病象療法方藥考證一一述之於下、以供留心是症者之研究。

病名

呼吸急促者謂之喘、喉中有聲響者謂之哮、喘有氣喘痰喘水喘火喘風寒喘腎虛喘胃虛喘肺氣喘心氣喘、哮則有風哮痰哮寒包熱哮冷哮水哮食哮鹹哮甜

哮喘烟煤哮喘油氣哮喘鷄鴨哮喘海狸哮喘酒哮喘醋哮喘等別。

病因

哮喘之症、原因不一、大都感於幼穉之時、客犯鹹酸、滲透氣管、偶遇風寒、而氣管發生變化、致氣道窒塞、氣息急促、亦有表寒束於外、鹹酸飲食傷於內、火炎鬱於上、七情傷於中、心房脹大、腎火虧耗、爲其厲階、經云、諸病喘滿、皆屬於熱、東垣謂衝脈之氣上形於胸中、入門云、胃虛而氣上逆、真元耗損、喘生於腎氣之上奔、凡此種種、皆屬哮喘之因、茲分條述之、以明究竟。

喘因腎虛氣促不下者、或因氣自小腹下起而上逆者、但經微勞、或饑時卽發。氣喘者、驚恐憂氣、惕惕悶悶、引息鼻張、呼吸急促、而無痰聲也。

胃氣虛者、擡肩擗項、喘而不休。

臥則喘者、是水氣之客也。

水氣漉漉有聲、怔忡者爲水喘。

喘因寒邪入肺者、則病皮膚痛、寒熱、上氣喘欬、動肩背、因背受寒邪、關竅不通、呼吸不利也。

熱甚煩渴多汗喘促。

痰甚則喘而有痰聲。

胃中有實火、膈上有粘痰、哮喘痰嘶。

肺虛如器而不容物、痰熱實之、則氣不得宣、呼吸壅滯而哮喘也。

水氣乘肺而爲水喘。

喉中如水雞聲、氣促而連續不息、汗下如雨、不得平臥、呬呀連續、哮喘不已、肺氣實而不降、痰火風寒夾雜其中、急以降逆化痰、瀉肺定喘以治表。

腎喘則嘔欬、經云少陰所謂嘔欬上氣喘者、陰氣在下、陽氣在上、諸陽氣浮、無所依從、故嘔欬上氣喘也。

治法

哮喘不一、治法各異、寒則熱之、熱則寒之、風者散之、逆者降之、壅者宣之、虛者補之、此大法也、其初學與經驗不足者、則不能識其爲寒爲熱、而治之不當、遂有毫厘千里之別、茲將治法一一臚列、以便對症施治。

哮喘遇冷而發者有二證、一屬中外皆寒、用東垣方、參蘇溫肺湯、調中益氣加茱萸湯、及紫金丹、劫去寒痰者是也、一屬寒包熱、用仲景越婢加半夏湯等發表諸劑、及預於八九月未寒之時先用大承氣湯下其熱、至冬寒時無熱可包、其症自不發也。

遇厚味卽發者、清金丹治之。

欬而上氣、此爲肺脹、其人喘目如脫狀、脈浮大者、越婢加半夏湯主之。

肺脹欬而上氣、脈浮者、心下有水、小青龍加石膏湯主之、喘因寒邪入肺者、宜發散、則身熱退而喘定、小青龍三拗湯之屬、若內兼火熱、外顯煩躁者、宜散而兼清、麻杏甘石之屬。

水哮宜金沸草散、小青龍湯、或葶棗散。

喘因水氣乘肺不得臥者、以直指神祕湯主之、若腎中水邪干肺者、濟生腎氣丸主之。

喘因腎虛、宜以六味丸補陰之屬、壯水配火、若手足冷面熱者、須以八味安腎之屬、導火歸元。

火喘以導痰湯、如芩連梔子杏仁瓜蒌仁、以清金降火消痰、或用白虎湯、加瓜蒌

仁枳壳黃芩煎服神效。

鹹冷飲食哮喘者、用白麵二錢、砂糖二錢、砂糖化汁、和入麵內成餅、入爐內燂熟、剗出加輕粉四分、另研極細末入餅內、令患者食之、吐出病根卽愈、接服三四次亦可。

風痰哮喘者、千縉湯、然必先淡滋味、然後服清肺金扶正氣之劑、如定喘湯、黃芩利膈丸、久服亦可治根。

痰喘必有痰聲、風痰、千縉湯、或合導痰湯、痰挾氣者、蘇子降氣湯、四磨湯。

凡哮喘初起、覺氣促無痰、此乃痰濁阻於氣管、閉塞不通、故哮喘甚、須於其時開其痰路、則喘易安也、宜桔梗湯枳壳瓜蒌實杏仁蘇葉前胡等引出其痰、俟痰出喘退、却調其虛實、虛者補以參耆歸朮、實者瀉以沉香滾痰丸。

以上言其喘之治法、但須審症確實、投之奇效、稍有疑惑、幸勿嘗試、恐有毫厘千

里之別耳。

特效新療法

以上治法、均於歷代先賢所著之方案中、求其能取得一時之效者、然均不能澈底治本、故仍愈而復發、深以爲憾、茲於先伯祖誠勳公筆記中、述及一方藥能治哮喘甚效、卽將是方悉心探討、歷經試驗、果得奇效、爰是與長子少柏、斟酌盡善、製定成藥、公之於世、凡抱斯疾者、均能脫離苦海、同登仁壽、特將此方藥及製法、一一詳載於後、以供參考。

特效新藥方

枸骨葉 一斤半 霜降後採取

百合花 四兩 夏至後採取 色白者佳

款冬花 四 兩 大寒後採取

以上三味如用鮮者以三倍分量用清水以炭火濃煎三次去渣瀘清另用紅棗一斤油秋梨五只煎濃汁和入前藥加冰糖乙斤收膏服法另詳

上列方藥現已如法採取製煉成膏定名 郭氏哮喘膏 以備患斯疾者就近採擇焉
上藥於民國三十一年秋起試驗效果列後

哮喘病患之實驗錄

奚項氏 女 年四十六 籍杭州 住四馬路西公和里瑞潤顏料號

〔病狀〕 身熱氣促痰嘶不能平臥經五年至三十一年十一月起服哮喘膏三瓶 三十三年一月五日調查報告完全痊癒

陳斌田 男四十二 籍浙江慈谿 住西摩路八百廿九號 業商務印書館

〔病狀〕 氣急痰多聲嘶 經六年至三十一年十月四日服哮喘膏至三十三年一月五日調查報告未發

夏根榮 男 年十八歲 甯波人 未婚 住城內福佑路三百卅一號

〔病狀〕 氣促形寒欬逆痰多遇冷而發食蟹發更劇病經二年服哮喘膏一瓶不覆發卅四年十一月調查報告

吳太太 女 五十八歲 住蒲石路六七六號

〔病狀〕 氣急痰多時發時止 服哮喘膏兩瓶已減輕後又服兩瓶而愈

李 氏 女四十八歲 南翔人 住天潼路寶慶里廿二號

〔病狀〕 氣急痰多不能臥每發於夜辛苦非常三十五年四月服哮喘膏兩瓶至九月氣喘已平而傷風引起欬嗽但氣急已平接服三瓶而諸病皆除矣

承政貽 男 十三歲 江陰華墅鎮

六歲時得病逢節即發痰聲嗶吼不能平臥伏枕而喘聲聞戶外連服哮喘膏三瓶於卅四年三月廿七起服藥之後未得報告最近有人來購藥據來人云是承家介紹而來諒此人病已愈矣

鄭林蕙如 女 三十五歲 籍廣東中山 生育子女四人住同福里廿二號

其病哮喘氣急終年不已 卅三年起服哮喘膏三瓶氣急大減後再服二瓶五年宿恙一日除根